

## Кеподемс должнай серс физкультурнай работать

Физический культура сь коммунистический воспитания арси аф от'емлемай паяксокс. Сонь вельденза ули кода нинге сяда вярй кеподемс социалистический трудонь производительность, привить советский эрь од ломанти выносливостень и боевой подготовканы навикат, штоба капитализмат каршес будущей схватка-са няфнемс героизмань, отвагань, мужество, бесстрашия и выносливостень примерхт.

Свидетелькс тяфтама примерх-ненди арсикть белофиттень каршес тюремаса добровольцень—лыжникнень походсна, конат блестяйста пашкодезь лангзост возложенной задачат и вельхтыз эсь пряснон аф увядаемой слава-са.

Сянь ингса, штоба шиста-шис касфнемс и кемокснемс физический культурань, партиясь и советский правительствась од ломаттненди макссеза сембе условиятень, штоба сядонга сериста кеподемс советский эрь од ломанть физический шумбраши-ц.

Эрь комсомолецт арси должокс—кемокснемс и касфнемс физкультурнай организациятень, мяляф-томок, што сию арсикть боевой резервакс доблестнай и аф победимай Якстере Армияньковди и Военно-Морской Флотоньковди.

Областной комсомольский VII-це конференциясь эсь постановления-сонза Мордовиянь комсомолт инголи путсь аф отложнай задача, штоба "сембе предприятиятень, колхознень и совхознень эса организовандамс физкультурнай коллективт... и кемокстамс тейст руководителкс инь цебарь комсомолецнень". Но сави азомс, што кой-кона ВЛКСМ-нь райкомтне и военно-физкультурнай комиссиянь председателхне нинге кржа тийсть тя тевса, и аф случайна, 41 тьожанда лама комсомолецнень эзда республика аныцек паледа кржасна физкультурниконь ряттень эса. Сядонга калдывста ащи тевсь колхознень эса, кося комсомолец-та—физкультурникта лувондов аныцек 4072 ломань.

Конашкава калдывста работайхть низовой физкультурнай организациянь руководителхне, паяк яркайста няеви республиканский колхознай 4-це спартакиадат эзда, кося примосеть участия Мордовиянь аныцек кота районза, а Инсарань, Ковылкинань и Атяшев-вань райоттнень эса апок аноклак тя кизоня ГТО-нь и БГТО-нь фкя-вок значкист.

Правда, Рыбкинань, Пурдошкань, Ладань и лия лама районга, ГТО-нь и БГТО-нь значкистонь аноклама заданиятне пашкотыть 200% модемс, но коданга аф эряви нят сатфкснень лангс лотксемс, а сядонга вишкоте-м, штоба Великий Октябрьский праздники эрь, комсомолецс сдал ГТО-нь I-це ступенень комплексь колга нормативень. Аф ули лишнай, кда эрь физкультурникс, анокламок прятялоти, рамай эстейнза спортивный инвентарь, иба тя макс оцю возможность совершенствовать спортивный эсь мастерстванц.



Ленинградский военный округса тактический занятиятне.

СНИМКАСА: Генерал-майорсь А. Е. Федюнин докладывает СССР-нь Оборонань Народнай Комиссарт Советский Союзонь Маршалт С. К. Тимошенко ялгати занятиятень модемаснон колга. Кяржи ширде види шири: Генерал-майорсь А. Е. Федюнинц, армиянь-генеральс К. А. Мерецковсь и СССР-нь Оборонань Наркомсь С. К. Тимошенко.

Фотось Э. Хайкинть и М. Редкинть. (ТАСС).

## Од ломаттне оцю мяль мархта молихть Ремесленной, Железнодорожной Училищав и Фабрично-Заводской Обучениянь школав

### ЗАЯВЛЕНИЯ

ВЛКСМ-нь горкому, райкому, ошень и районнай советонь исполкопненди эрь шиняшендыхть лама заявленият од ломаттнень эзда, кося сию азондса эсь мяльснот добровольна модемс Ремесленной, Железнодорожной Училищав и Фабрично-Заводской Обучениянь школав.

Кося эсь кровнай тевсон васьфтезь советский од ломаттне СССР-нь Верховнай Советть Президиумонц Указонц Трудовой Резерватнень колга. Вов заявления-не ВЛКСМ-нь Саранский горкомса. Сявсаск минь фкят сию эздот. Сонь сьормадозе Чумакин Володьясь, кося эрий Саранск ошса, Московский ульцяс:

Сон сьормады:  
"ВЛКСМ-нь Саранский горкомти Заявления.

Мон азондса эсь мялезень добровольна модемс тонафнема Железнодорожной Училищав. Монь образованияз—8 класст, кизодон—15. Эняльдяв ВЛКСМ-нь горкомти аф атказамс просьбазнь эзда и кучемс монь Железнодорожной Училищав тонафнема.

Владимир Чумакин".

### Мольхтыма Ремесленной Училищав

Мокшень Маскане велень "XVIII партс'езд" колхозонь колхозникне октябрь 9-це шистонза марстонь колхознай собранияс лувозь Государственной Трудовой Резерватнень колга СССР-нь Верховнай Советть Президиумонц Указонц. Донцов ялгати информациянай беседадонза меле лама од колхозникт корхтасть пренияса и, азондомок тя указать оцю хозяйствен-

Александр и Михаил Жилыефне (Саранск), кодак получаць указать мархта газетать, эстакиге кочказь сембе семьяснон и лувозь указать. Сию семьясост 12 ломань. Сембе, кося фкя мяльса, одобрили указать. Сию алясна, Жилыев Кузьма, молись ВЛКСМ-нь Саранский горкому и азозе:

— Монь 9 идие. Сию оцюфт ни. Исяк лувозь и шнасаць оцю мяльса СССР-нь Верховнай Советть Президиумонц Указонц Трудовой Резерватнень колга. Оцю стирезе тонафни 10-це класса, а сяда меле туй пединституту и ули учительницакс. Тя—почетнай тев. А. Михаил и Александр цьоране тонафнихть 8-це класса. Минь решили кучемс сию тонафнема Ремесленной Училищав. Катк сию молихть резервас и кармаихть работама предприятияса. Тя стане жа почетнай тев.

Тяфта советский народсь васьфтезя тя оцю и паяк важнай меро-приятиять.

К. Алексеев.

В. Миряшкин.

Синдровский район.

### Приветствовандайхть законть

Ковылкинань Сире Дракань колхозникне и колхозница-не оцю мяльса васьфтезь Государственной Трудовой Резерватнень колга СССР-нь Верховнай Советть Президиумонц Указонц.

Октябрь 9-це шистонза ульсь пуроптф средний школань клубса колхозниконь марстонь собрания, кося обсуждандамок тя исторический и паяк важнай законть, од колхозникне седивакса шнасаць.

Собранияда меле лама од колхозникт макссть заявленият Ремесленной и Фабрично-Заводской Обучениянь школав тонафнема мо-лемать колга.

Я. Пинясов.

Ковылкинский район.

### Форменной фуражкат и пряжкат

Всекоопромсоветсь разработандась Ремесленной, Железнодорожной Училищав и Фабрично-Заводской Обучениянь школань эса тонафнихненди кроватень, постельнай бельянь, фуражкань и карксонди пряжкань обра-зецт.

Пряжкатне арьсефт тиес аф шямоний стальста. Пряжкат лангса улихть сьорматфт училищав или школань названийнень васень букватне. Промысловый кооперациянь артельхне эскиснень и обра-зецнень кемокстамодост меле кярьмодихть ня сембе предмет-нень массовайста тиесаснонды.



## Вооружандам эрь комсомолецт марксизмань-ленинизмань революционной теорияса

### Мезе юкснихть комиссиянь члетьне

Инь главный задачка эрь комсомолецт инголе ащи ся, штоба тонафнемс и фалу кепсемс эсь культурнай и политический уровень. Но аф тяфта нинге лисенди кой-кона комсомольский организациятнень эса. Кепотыксонди сявсаськ „Красная звезда“ колхозста комсомольский организацият. Тяся комсомолецне и соньке секретарь Митронов ялгась, политобразования кодамовок формаса атак фатякт. А сяс синь сембе политически, пцтай йофси аф грамотнайхть.

Сентябрь 9-це шистонза та организацияса ульсь отчетно-выборнай собрания. Сембе нят фактнень колга тоса ульсь кемоста корхтаф. Туда меле йотась ков, но положениясь организацияса йофсикс ашезь цебяргода. Секретарь Митронов ялгась комсомолецнень йоткса работа кодамовок аф вяти. Отчетно-выборнай собрания меле нинге ашель фкявок собрания, организацияса аш кодамовок тефт, нльня комсомолецнень лангс списавок аш.

Митронов ялгати работаса эрви пяк оцю лезкс. Но та лезксть ВЛКСМ-нь райкомсь тейнза аф макссесь. Выборда меле та организацияса райкомть ширде ашель фкявок представитель, юкстамок сянь, што нят од активистненьди эрви оцю и пяк оцю лезкс.

И. Козеев.

Ковылкинский район.

### Муфт мамонтоь пакархь

Саранский районь Протасовань аф полной средней школань 6-це классонь ученикс Ваня Колотухинць сентябрь 2-це шистонза Протасова велеть маласа торфяной болота мусь мамонтоь камакш (коренной) пей. Пейть сталмоц 3 кг. 100 гр.

Тяка жа вастса 1929 кизоня К. Шитин постуфсь мусь мамонтоь бивня. Тя вастса молихть вешендема.

### Егоровть бригадац

Рузаевка станциянь коряс оцю узловой станция аш марнек пензенский машинакиса. Тяся шинек-венек атак лотсек лакай стахановский трудсь, шиста-шис касыхть стахановецень ряттне, трудонь производительность, шачихть од рекордонь тнихть, трудонь цебяр геройхть.

Мани октябрьский шудавась ульсь эше и сетье. Маневрань тиенди паровозонь топкатнень и депоть трубазон эзда лиси тустаравжа качамсь нюрьгсь станция вельксса.

Сувамок депов, атак тонатт пилетнеди сембе ширде кшнинь цингордомась и тактайста стука-мась, нльне седицень кепси. Рабочайнь средаса весяла эряфсь.

— Стой!—гайнязевсь под'емочнай цехонь бригадирть-комсомолецт Егоровть вайгялец. Сон иваць машинистти, кона сувафтозе ремонтировандамс паровозть под'емочнай станокти. Депонь сембе цехнень эзда саф представительне, кода больница врачне срядить перьф, кружась паровозть и вавондыхть мезец синнеф, и ушедсть калафнемонза.

### Комсомолецне касфнесазь политический уровеньцон

Руководящий комсомольский органонь кочкаматнень вельде, конат йотасть минь районцонк оцю идейно-политический уровеньца, первичнай комсомольский организациятнень инь ламоснонды састь од активист, энергичнай организациярт, Ленинонь—Сталинонь партияснонды беззаветнайста преданнай од ломатть.

Од руководителхне ВЛКСМ-нь райкомонь постоянно-действующий комиссиятнень мархта марса побольшевикски кярмодсть комсомольский организациятнень эса работать одукс тиemanцы и „ВКП(б)-ть историянц Краткай курсонц“ и политграмотать тонафнемаснонды. Кда районца комсомолонь районнай конференцияда инголе „ВКП(б)-ть историянц Краткай курсонц“ самостоятельна тонафнезь авьцек 287 комсомолец, то тинь пингть систематически тонафнихть 400 комсомолецта лама. 14 комсомолец: Дмитриева, Мазин, Комаров, Андронов и иля ялгатне, васенце звенать коряс аделазь Краткай курсть тонафнеманц и ушедсть первоисточникнень коряс революционной теориять тонафнема. Савкина ялгась руководит райредакциянь кружокть лангса, Уголковский вельсоветса „Коминтерна“ колхозса кружокть возглавляет Быкова ялгась и стак тов. Организовандафт политграмотань 5 кружокт и 2 кружокт „ВКП(б)-ть историянц Краткай курсонц“ тонафнемаса.

Лама организациява йотафневихть собеседованият и опытоь полафнемат. Тяфта, например, ащи тевсь Госбанконь, райздравонь и Зарубкинань организациятнень эса. Райздравса ВЛКСМ-нь секретарькс инголе работась Сальников, кона соньке ашезе тонафне Краткай курсть и ашезе организовандакшне комсомолецнень йотксовок. Но, мзярда коч-

каф секретарькс Дементьева ялгась (сон тонафнесь 7-це главать), путсь эрь комсомолецт инголи кеме требования, штоба комсомолецне тонафнелхть и касфтолезь эсь политический грамотность уровеньцон. Тян комсомолецнень инь ламосна тонафнесазь партият историянц и примосихть активнай участия собеседованияса.

Тельманть лемса первичнай комсомольский организациян комсомолецне занимадайхть кружокса, занятияс сашендыхть аноклафта.

Октябрь 1-це шистонза сывонок пцтай сембе комсомольский организациятнень эса йотафтф докладт, беседат и читкат ВЛКСМ-нь III-це с'ездса азф В. И. Ленинонь реченц колга.

Тяниень пингть сембе комсомольский организациятнень эса моли, а кой-коса ни йотафтф, СССР-нь Трудовой Резерватнень колга СССР-нь Верховнай Советть Президиумонц Указонц обсуждандама. Лама организацията выделеннайхть бригадава агитаторхт, коса комсомолецне аф калдываста йотафнихть занятия.

Средняй и аф полной средняя школатнень эса организовандафт кружокт родинацконь историянц тонафнемаса, конатнень эса комсомолецне-учителхне лувондыхть лекцият наукань деятельнень, исторический дататнень и герой полководецнень колга.

Великай Октябрьский Социалистический революцият 23-це годовщинанц чествсь ВЛКСМ-нь райкомсь решил пачфтемс партият историянц самостоятельна тонафниень лувксть 450 ломаньц, организовандамс политграмотань дополнителнай 4 кружокт и лама иля мероприятия.

КОНДРАТЬЕВ,

ВЛКСМ-нь 3-Поляннай райкомть секретарец.

Василий Герасимович Егоровсь Рузаевка станциянь депов сась Лямбирский районь Репьевка велеста нинге од цюранякс, 1935-це кизоня. Сонь ульсь оцю мялец работамс машинаки лангса, тондомс паровозть, улемс машинистокс. И виде, сон тя нюрькяне пингста тонац лама профессия.

Егоров ялгась депоса лувондови аф аныцк авторитетнай бригадиркс—стахановецок, сон цебарь общественник—активист, цебарь ялга, и аф кржа од рабочей тонафтсь паровознай ремонтонь работати. Сон од цюра-комсомолец, аф кунара примаф ВКП(б)-нь членонди кандидаткс. Работамок депоса бригадиркс, кода способнай организатор и соцсоревнованиян инициатор, бригаданц лифтезе инь инголи моликс и ковста-ковс систематически пшкотькшнесь вельф заданиянц. Вестьке ашезь тиенде брак и ремонтировадаф паровозсовза, обычна, якайхть сяда ламос текущей ремонтфтома.

— Упрямайхть ульсь монь бригадасон цюратне,—корхтай Егоровсь,—хоть эздост кога тят тушенда. Туят, лоткайхть работамда, саят—тага ушедыхть. Тя тевса савсь лама работамс. Но мзярда минь ялгань келесонк тонафнеме

кодама-нябуть деталь и сяка пингова критиковандась эсь прянконь, ванан тевсь тушенды. И виде, бригадань члетьне арасть замечательнайкс, сембе синь тян эсь норма сгон пшкотькшнесазь 150—300 процентс.

Егоров ялгать бригадаса работай комсомолецс Астафьевсь, комсомолецс Тусинов ялгась и лама илят, конат ашихть и работаса, и поведениас коря, и общественной тевса инь примернайкс. Синь йоткост кемоста ладяф дружбась, кода мярьгондихть—фкясь сембонкса, а семботне—фкяньксса.

Сувамок предоктябрьский социалистический соревнованияти, Егоров ялгась сявсь эсь бригадасонза конкретнай самообязательства, конатнень пшкотедемаса сатови показательнень лемдезь Октябрьский Социалистический революцият 23-це годовщинанцты подаркакс. Сон максь вал, што кда Сталинский 3-це Пятилетка лемса соревнованияса 8 паровоснень вастс петнетяма 10—11, то предоктябрьский социалистический соревнованияса нинге сяда цебарь качества петьяма кемголмува—кеветне паровоз.

Г. Горный.

Рузаевка ст.



1940-це кизоня Москуса Бурят-Монгольский искусствань декаданти.

СНИМКАСА: „Баир“ спектакльт вассенце актста васенце картинась сценась. Артисткась Н. Петровась Булаганть рольса и артистсь Ш. В. Коротковсь Баирть рольса.

Фотась ф. М. Руновть (ТАСС).

### ОМБА МАСТОРГА

### Англо-германский войнась

Октябрь 14-це шистонза германский военнай сводкат эса корхтати, што шить и веть тежда и стака бомбардировщиконь соединенияне мольтсь атакат Лондонть лангс и Южнай и Центральнай Англият важнай лия военнай об'ектонзон лангс. Лондонда тиевсь оцю пожархт. Фкя электростанцият вельксс кеподсь качамоь туця и юрнась тол. Оцю налет тифоль Ливерпульть портовай сооружениянзон и военнай заводонзон лангс.

Кода азондозе германский информационай бюрось, фкя суткаста, октябрь 13-це шистонза сывонок 14-це шиньсамс, германский самолетне ёрдасть Лондонть, Ливерпульть и Южнай Англият лия ошензон лангс 350 тежянь килограмма бомба. Сяка жа пингть английский авиациясь ёрдасть Германият и сонь мархтонза заныф областнень лангс 6—8 тежянь килограмма бомба.

Английский сообщениятнень коряс, октябрь 14-це шинц карша веть германский авиацият атаканза фатязь Англият оцю территориянц. Бомбардировандаф 36 лондонский район и 20 район провинцияса. Лондонца и сонь окрестностензон эса калафтфтеряма кутт, торговой и промышленнай предприятия. Шавфнень колга подробнай отчет нинге атак полужак. Однако, можна мярьгомс, што шавфта ингольден атакатнень коряс сяда лама.

Английский военно-воздушнай вийхне октябрь 13-це шинц карша веть бомбардировандазь противникть 40 военнай об'ектонзон, сяка лувксса Эссенса Круппонь заводонзон, 3 германский алюминевый заводтнень, а тяфта жа Ла-Маншть портонзон, конатнень фатязень Германиясь.

(ТАСС).

Ответ. редакторсь И. ЧУДАЙКИН.